


# 重刻通典



			五	漢
			一	書
			六	門
四	八	九	〇	
架	冊	號	類	

庫	文	閣	內	
元	五			漢
三	一			書
二	六			
六	八			
架	冊	號	類	

內閣文庫	
番號	漢 5160
冊數	48( 27)
函號	293 124

二十七

百十三百十四



通典卷第一百一十

唐 京 兆 杜 佑 君 卿 纂

禮七十 開元禮纂類五 吉二

皇帝季秋大享於明堂 攝事附

將祀有司卜日如別儀前祀七日戒誓百官皇帝散齋  
致齋並如圓丘儀 祀官齋戒同

陳設

前祀三日尚舍直長施大次於明堂東之外道北尚舍  
奉御鋪御座守宮設文武侍臣次於大次之後文官在  
左武官在右俱相向諸祀官次於璧水東門之外道南

乾隆十二年校刊

通典卷第一百一十 禮七十

從祀官文官九品以上於祀官之東東方南方蕃客又  
於其東俱重行每等異位北向西上介公鄴公於璧水  
西門之外道南武官九品以上於介公鄴公西西方北  
方蕃客又於其西俱重行每等異位北向東上褒聖侯  
於文官  
三品之下若有諸州使人分方各於文武官之後惟攝  
事無大次已下儀守宮設祀官公卿已下次於璧水東  
門外道南設陳饌幔於璧水東門之內道北南向前祀  
二日太樂令設宮懸之樂於明堂前庭如圓丘之儀右  
校清掃明堂內官郊社令積柴於燎壇其壇於樂方一  
丈高丈二尺開上南出戶方六尺前祀一日奉禮設御  
位於堂之東南西向設祀官公卿位於東門之內道南

攝事設祀官公卿位於明堂東南 執事者位於公卿之後近南每等異  
位俱重行西面北上設御史位於堂下一位在東南西  
向一位在西南東向令史各陪其後設奉禮位於樂懸  
東贊者二人在南差退俱西向設協律郎位於堂上午  
陛之東西向設太樂令位於北懸之間攝則於此下便  
壇之北南向無太祝已太祝奉玉帛位於柴壇之南皆  
下至褒聖侯之位也北向設從祀文官九品已上於執事之南東方南方蕃  
客又於其南俱每等異位重行西面北上介公鄴公位  
於西門之內道南武官九品已上於介公鄴公之後西  
方北方蕃客於武官之南俱每等異位重行東面北上

其褒聖侯於文武三品之下若有又設祀官及從祀羣  
諸州使人分方位各於文武之後  
官等門外位於東門外道南皆如設次之式設牲勝於  
東門之外當門西向南上牲數如雩祀之儀設酒罇之  
位明堂之上下昊天上帝太罇二著罇二犧罇二山罇  
二在室內神座之左象罇二壺罇二山罇二在堂下東  
南西向配帝著罇二犧罇二象罇二罇二在堂下神座  
之左五方帝各太罇二著罇二犧罇二罇二各於室內  
神座之內左向五帝各著罇二在堂上各於神座之左  
俱內向五官各象罇二在階下皆於神座之左俱右向  
堂上之罇皆於坫階下之罇皆  
藉以席俱加勺攝罇設爵於罇下設御洗於東階東南

設祝亞獻之洗又於東南俱北向罇水在洗東篚在洗

西南肆篚實以設五官罇洗篚罇各於酒罇之左俱右

向其執罇罇篚罇者各位於其後各設玉幣之篚於堂  
之上下罇坫之間祀日未明五刻太史令郊社令升設  
昊天上帝神座於明堂太室之內中央南向席以藁秸  
設睿宗大聖真皇帝神座於上帝之東南南向席以莞  
設青帝於木室西向赤帝於火室北向黃帝於太室南  
戶之西北向白帝於金室東向黑帝於水室南向席皆  
以藁秸設太昊炎帝軒轅少昊顓頊之座各於五方帝  
之左俱內向差退若非明堂五室皆如設五官座於明

堂之庭各依其方俱內向席皆以莞設神位各於座首

省牲器 如別儀

鑾駕出宮 如圓丘儀

### 奠玉帛

祀日未明三刻諸祀官各服其服設罇罍玉幣升行掃  
 除門外位儀舞人就位皇帝出行宮之次羣官入就位  
 近侍臣陪從儀並同圓丘攝亦如圓丘攝事皇帝至版位西向  
 立每位立定太常卿與博士退立於左太常卿前奏稱請再拜退復位皇  
 帝再拜奉禮曰衆官再拜衆官在位者皆再拜謁者引  
 諸獻官俱詣東陛升堂立於罇所太祝與諸獻官皆跪

取玉幣於篚立於東南隅東向北上五方帝五配帝太

祝立於西南隅東向北上五方帝五官諸太祝及獻官

又取幣於篚立於罇所太常卿引皇帝太和之樂作皇

每行皆振皇帝升自南陛侍中中書令已下及左右侍

衛量人從升已下皆如之攝則謁者皇帝升堂北面立

樂止太祝加玉於幣以授侍中侍中奉玉帛西向進皇

帝搢鎮珪受玉帛凡受物皆搢鎮珪登歌作肅和之樂

以大呂之均太常卿引皇帝進北向跪奠於昊天上帝

神座俛伏興太常卿引皇帝立於南方北面五方帝之

太祝奉玉帛各奠於神座還罇所皇帝再拜訖太祝又

奠訖執珪俛伏興

乾隆十二年校刊

通典卷一百一 禮七十

以配帝之幣授侍中

攝事皆謁者贊授太尉上下皆然

侍中奉幣西向

進皇帝受幣太常卿引皇帝進西面跪奠於睿宗大聖  
真皇帝神座前俛伏興太常卿引皇帝立於東方西向  
五帝之獻官各奠幣於神座各還五官之祝次奠幣神  
座各還罇所皇帝再拜訖登歌止太常卿引皇帝樂作  
皇帝降自南陛還版位西向立樂止初羣官拜訖祝史  
皆奉毛血之豆立於堂下於登歌止祝史奉毛血各由  
其階升諸太祝迎取於堂上俱進奠於神座諸太祝與  
祝史退立於罇所

進熟

皇帝既升奠玉帛其設饌盥洗罇爵一如圓丘之儀

攝

太尉既升奠

太常卿引皇帝立於南方北向太祝一人持版

進於皇帝之右西面跪讀祝文曰維某年歲次某月朔

日子嗣天子臣某敢昭告於

攝事云天子臣某謹遣太尉封臣名敢昭告於

天上帝惟神覆燾羣生甄陶庶類不言而信普博無私

謹擇元辰祇率恒禮敬以玉帛犧齊粢盛庶品肅恭禋

祀式展誠敬皇考睿宗大聖真皇帝配神作主尚饗訖

興皇帝再拜初讀祝文訖樂作太祝進奠版於天帝神

座還罇所皇帝拜訖樂止太常卿引皇帝詣配帝酒罇

所執罇者舉羣侍中取爵於坫進引皇帝受爵侍中贊

酌泚齊訖樂作太常卿引皇帝進睿宗大聖真皇帝座  
 前西向跪奠爵俛伏興太常卿引皇帝立於東方西向  
 謁者五人引五方帝之太祝詣盥洗盥手俱取匏爵於  
 站酌泚齊各進奠於神座前還罇所樂止配帝太祝一  
 人持版進於皇帝之左北面跪讀祝文曰維某年歲次  
 月朔日孝子開元神武皇帝臣某敢昭告於皇考睿宗  
 大聖真皇帝祇率舊章肅恭恒禮敬致禋祀於昊天上  
 帝惟皇考德光宇宙道叶乾元申錫無疆實膺嚴配謹  
 以制幣犧齊粢盛庶品肅恭明薦侑神作主尚饗訖興  
 皇帝再拜初讀祝文訖樂作太祝進奠版於神座前

所皇帝拜訖樂止太常卿引皇帝南方北向立樂作

其飲福還宮並如圓丘儀

攝事亦同  
雩祀攝事

皇帝立春祀青帝於東郊

立夏祀赤帝於南郊季  
夏土旺日祀黃帝於南

郊立秋祀白帝於西郊立冬祀黑帝於北郊及  
攝事並附

齋戒

攝事祀官齋戒如圓丘儀

前祀七日平明太尉誓百官於尚書省曰某月某日祀  
 青帝於東郊各揚其職不供其事國有常刑皇帝散齋  
 四日致齋三日如圓丘儀

棟設

前祀三日尚舍直長施大次於外壝東門之內道北南

向尚舍奉御鋪御座

攝事則衛尉設祀官公卿衛尉設已下次於道南北向西上

陳饌幔於內壝東門之外道南北向設文武侍臣次又

設祀官及從祀羣官諸州使蕃客等次前祀二日太樂

令設宮懸之樂於壇南壝之內設歌鐘歌磬於壇上各

如圓丘之儀右校掃除壇之內外郊社令積柴於燎壇

其壇於樂懸之南外壝之內攝事則其壇於神壇之左內壝之外方一丈高丈二尺開

上南出戶方六尺前祀一日奉禮設御位在壇之東南

西向攝事則設祀官公卿位於內壝東門之內道北設執事位於道南每等異位重行西向以北為上

望燎位於柴壇之北南向設祀官公卿位於內壝東門

之外道南分獻之官於公卿之南執事位於其後設

所皇帝拜訖樂止太常卿引皇帝南方北向立樂作

其飲福還宮並如圓丘儀

攝事亦同

皇帝立春祀青帝於東郊

立夏祀赤帝於南郊季夏土旺日祀黃帝於南

郊立秋祀白帝於西郊立冬祀黑帝於北郊及攝事並附

齋戒攝事祀官齋戒如圓丘儀

前祀七日平明太尉誓百官於尚書省曰某月某日祀

青帝於東郊各揚其職不供其事國有常刑皇帝散齋

四日致齋三日如圓丘儀

東設

前祀三日尚舍直長施大次於外壝東門之內道北南



向尚舍奉御鋪御座

攝事則衛尉設祀官公卿衛尉設

陳饌幔於內壝東門之外道南北向設文武侍臣次又

設祀官及從祀羣官諸州使蕃客等次前祀二日太樂

令設宮懸之樂於壇南壝之內設歌鐘歌磬於壇上各

如圓丘之儀右校掃除壇之內外郊社令積柴於燎壇

其壇於樂懸之南外壝之內攝事方一丈高丈二尺開

上南出戶方六尺前祀一日奉禮設御位在壇之東南

西向攝事則設祀官公卿位於內壝東門之內道北設

望燎位於柴壇之北南向設祀官公卿位於內壝東門

之外道南分獻之官於公卿之南執事位於其後設祀

席皆莞設神位各於座首

省牲器 如別儀

鑾駕出宮 如圓丘儀

奠玉帛

祀日未明三刻諸祀官各服其服郊社令良醞令各率

其屬入實罇鬯玉幣 凡六罇之次太罇為上實以汎齊

以盎齊象罇次之實以醢齊為上實以汎齊

下實以清酒配帝著罇為上實以汎齊

體齊象罇次之實以盎齊為上實以汎齊

俱實以醢齊七宿之實以盎齊為上實以汎齊

黃琮西方以騶虞北方以元璜其幣各隨方色長丈八

尺太官令帥進饌者實豆簠簋入設於內壝東門之外

乾隆十二年校刊 禮七十

饌幔內未明二刻奉禮帥贊者先入就位贊引御史博  
士諸太祝及令史祝史與執罇鬯篚者入自東墻門  
當壇南重行北面西上立定奉禮曰再拜贊者承傳御  
史已下皆再拜訖執罇鬯篚者各就位贊引引御史  
博士諸太祝詣卯陛升行掃除於上令史祝史行掃除  
於下訖引就位車駕將至謁者贊引引祀官通事舍人  
分引從祀羣官諸方客使先置者各就門外位駕至大  
次門外迴輅南向將軍降立於輅右侍中進當鑾駕前  
跪奏稱侍中臣某言請降輅俛伏興還侍位皇帝降輅  
之大次通事舍人各引文武九品已上從祀墻外位攝則

無車駕將至下至墻外位儀

太樂令帥工人二舞次入就位文舞入

陳於懸內武舞立於懸南道西謁者引司空入陳掃除  
訖出復位如常儀皇帝停大次半刻頃通事舍人贊引  
各引從祀羣官介公鄴公諸方客使先入就位太常博  
士引太常卿立於大次門當門北向侍中版奏外辨攝則  
初司空入謁者引祀官贊引引執事俱就門外位司空  
掃除訖各引入就位贊再拜謁者進太尉之左白有司  
謹具請行事無皇帝停大皇帝服大裘而冕夏服  
衮冕出次  
華蓋侍衛如常儀博士引太常卿太常卿引皇帝凡太  
常卿  
前導皆博士先引至內墻外殿中監進大珪尚衣奉御又以鎮  
珪授殿中監殿中監受進皇帝搢大珪執鎮珪華蓋仗

衛停於門近侍者從入如常謁者引禮部尚書太常少卿陪從如常儀皇帝至版位西向立每立定太常卿謁博士即立於左者贊引各引祀官次入就位立定太常卿前奏稱請再拜退復位皇帝再拜奉禮曰眾官再拜眾官在位者皆再拜其先拜者不拜太常卿前奏有司謹具請行事退復位協律郎跪俛伏舉麾鼓祝奏角音夏徵音季夏宮音秋商音冬羽音乃以黃鍾之均文舞之舞樂六成偃麾戛敵樂止太常卿前奏稱請再拜退復位皇帝再拜攝事奉禮曰眾官再拜眾官在位者皆再拜上下諸太祝俱取玉幣於篚各立於罇所其奠玉幣及毛血並如圓丘儀攝則太尉爲初獻受玉幣登歌

作肅和之樂餘亦如圓丘攝事之儀

進熟

皇帝既升奠玉帛其設饌盥洗奠皆如圓丘之儀攝事如圓丘攝事太祝持版進於神座之右東向跪讀祝文曰維某年歲次某月朔某日子嗣天子臣某攝事云嗣天子之臣某謹遣太尉封名敢昭告於青帝靈威仰獻春伊始時維發生品物昭蘇式遵恒禮敬以玉帛犧齊粢盛庶品肅恭燔祀暢茲和德帝太昊氏配神作主尚饗訖興夏云昭告於赤帝赤熒怒朱明戒序長羸馭節庶品蕃頌用遵恒典敬以玉帛犧齊粢盛庶品恭敬禋祀肅昭養德帝神農氏配神作主季夏云黃帝含樞紐爰茲濔暑實惟土潤戊己統位黃鍾在宮敬以玉帛犧齊粢盛庶品恭修燔祀式虔厚德帝軒轅氏

乾隆十二年校刊

通鑑卷一百一 禮七十

配神作主秋云白帝白招拒素秋伊始品物收成祇率  
舊章展其恒禮帝少昊氏配神作主冬云黑帝叶光紀  
元冥戒序庶類安寧資此積歲祇率恒典帝顓頊氏配神作主  
樂作太祝進奠版於神座前與還罇所皇帝拜訖樂止  
太常卿引皇帝詣配帝酒罇所執罇者舉罇侍中取爵  
侍中贊酌汎齊訖樂作太常卿引皇帝進當太昊氏神  
座前東向跪奠爵俛伏興大常卿引皇帝少退東向立  
樂止太祝持版進於神座之左北面跪讀祝文曰維某  
年歲次某月朔日子開元神武皇帝臣某敢昭告於帝  
太昊氏爰始立春盛德在木用致燔燎青帝靈威仰惟  
帝布茲仁政功叶上元謹以制幣犧齊粢盛庶品備茲

明薦配神作主尚饗訖興夏云昭告於帝神農氏時維  
孟夏火德方融用致明禋於  
赤帝赤燦怒惟帝表功協德允斯作對謹以制幣犧齊  
粢盛庶品式陳明薦配神作主季夏云告於帝軒轅氏  
時維季夏位膺土德奉明禋於黃帝含樞帝功施  
厚地道合上元謹以云云秋云告於帝少昊氏時維立  
秋金德在馭用致燔燎於白帝白招拒惟帝立德茲義  
叶此神功謹以云云冬云告於帝顓頊氏時維立冬水  
德在馭用致禋燎於黑帝叶光紀惟  
帝道合乾元允茲升配謹以云云其飲福及亞獻至  
還宮並同圓丘之儀對官同圓  
丘攝事

皇帝臘日禮百神於南郊攝事附

齋戒如圓丘儀從祀官及攝事齋戒並如前儀

陳設

前禘三日尚舍直長施大次於外墻東門之內道北南

乾隆十二年校刊

禮七十

十一

向尚舍奉御鋪御座

攝事衛尉設祀官公卿已下次於東壝之外道南北向以西為上

衛尉設陳饌幔於內壝東門西門之外道東西向

東方南方

之饌陳於東門外西方之饌陳於西門外北方之饌陳於北門之外設文武侍臣次又設

祀官及從祀羣官諸州使人蕃客等次

攝則無文武侍臣蕃客等次

前禮二日太樂令設宮懸歌鐘歌磬如圓丘之儀右校

掃除壇之內外郊社令積柴於燎壇

其壇於神壇之左內壝之外方

八尺高一丈開上南出戶三尺右校為瘞培於壇之壬

地內壝之外方深取足容物南出陛前禮一日奉禮設

御座及望燎位祀官從祀羣官諸州使人蕃客等位於

壝門外如圓丘之儀

攝事如圓丘之儀

設日月酒罇之位大明

太罇二著罇二罍一在壇上於東南隅北向夜明太罇

二著罇二罍一在壇上於西南隅北向神農氏伊耆氏

各著罇二各於其壇上五星五官后稷各象罇二七宿

田畷龍麟朱鳥騶虞元武等各壺罇二鱗羽羸毛介等

散罇二俱設於神座之左而右向五方岳鎮海瀆俱山

罇二山林川澤俱蜃罇二邱陵墳衍原隰井泉水塘坊

郵表啜於菟猫等俱散罇二各設於神座之右而左向

伊耆氏以上之罇置於坵星辰以下設御洗於壇南陛

之罇藉以席皆如勺幕設爵於罇下

東南亞獻之洗又於東南北向壘水在洗東篚在洗西

南肆

篚實以巾爵設分獻壘洗畢各於其方陛道之左右俱

乾隆十二年校刊

禮七十

丙向執鬯洗篚鬯者各立於罇鬯篚鬯之後各設玉幣  
之篚於壇之上下罇坫之所晡後謁者引光祿卿詣厨  
視濯漑又謁者引諸祀官詣厨省饌具訖還齋所禘日  
未明十刻太樂令帥宰人以鸞刀割牲祝史以豆取毛  
血置於饌所遂烹牲日青牲一月白牲一其餘方各少牢一未明五刻太  
史令郊社令升設日月神座於壇上大明於北方少東  
夜明於大明之西俱南向席皆以藁秸神農伊耆神座  
各於其壇上俱內向設后稷氏神座於壇東西向設五  
官田畷之座各於其方設五星十二次二十八宿五官  
岳鎮海瀆山林川澤邱陵墳衍原隰井泉神座各於其

方之壇其五方神獸鱗羽羸毛介水墉坊郵表曦於菟  
猫等之座各於其方壇之後俱內向相對為首自神農  
伊耆已下百九十座席皆以莞設神位各於座首

鑾駕出宮

如圓丘儀

奠玉帛

禘日未明三刻諸祀官各服其服郊社令良醞令各帥  
其屬入實罇鬯玉幣凡罇之次太罇為上實以醴齊著罇次之實以盎齊神農伊耆氏之罇以醴齊七星之壺罇實以沈齊五方岳鎮海瀆之山罇實以醴齊山林川澤之罇罇實以汎齊邱陵已下之散罇實以清酒元酒各實於諸座之上罇禮神之玉大明幣以赤伊耆氏幣以元五星以下幣各從方色太官令

乾隆十二年校刊

禮七十

帥進饌者實諸籩豆簠簋各設於內壝之饌幔內其日未明二刻奠玉幣毛血等如圓丘儀皇帝服元冕出次壇上神位大明夜明鼓祝作無射夷則奏永和蕤賓姑洗太簇奏順和黃鍾奏元和凡六均均一成俱以文舞攝事如圓丘之攝儀事

進熟

皇帝既升奠玉帛其設饌盥洗奠爵並如圓丘儀攝事亦同太祝持版進於神座右西面跪讀祝文曰維某年歲次月朔日子嗣天子臣某攝則云謹遣太尉封臣名以下改皇帝為太尉皆謁者贊引敢昭告於大明惟神晷耀千里精烜萬物覺寤黎蒸化成品彙今則璇璣齊運玉燭和平六府孔脩百禮斯洽

謹以玉帛犧齊粢盛庶品致其燔燎尚饗訖與皇帝再拜初讀祝文訖樂作太祝進跪奠板於神座與還罇所皇帝再拜訖樂止太常卿引皇帝詣夜明罇所執罇者舉冪侍中取匏爵於坵進皇帝受爵侍中贊酌醴齊訖樂作太常卿引皇帝進夜明神座前北向跪奠爵俛伏與太常卿引皇帝少退北向立樂止太祝持版進於神座之右東面跪讀祝文曰維某年歲次月朔日子嗣天子臣某敢昭告於夜明惟神貞此光華恒茲盈減表斯寒暑節以運行對時育物登成是賴豐年之報式備恒禮謹以制幣犧齊粢盛庶品致其燔燎尚饗訖與皇帝

乾隆十二年校刊

通典卷一百一 禮七十

再拜讀祝文訖樂作太祝進跪奠版於神座興還罇所  
 皇帝拜訖樂止太常卿引皇帝少退當兩座前北向立  
 樂作其飲福受胙並如圓丘儀皇帝獻將畢謁者引太  
 尉攝則謁者引太詣壘洗盥手洗匏爵訖謁者引太尉  
 自東陞升壇詣大明著罇所執罇者舉罇太尉酌盞齊  
 武舞作謁者引太尉進大明神座前北向跪奠爵興謁  
 者引太尉少退再拜謁者引太尉詣夜明罇所取匏爵  
 於坵執罇者舉罇太尉酌盞齊訖謁者引太尉進夜明  
 神座前北向跪奠爵興謁者引太尉少退再拜謁者引  
 太尉少東當兩座前北向立太尉再拜受爵跪祭酒遂

飲酒太祝進受爵宿於坵太尉興再拜謁者引太尉  
 降復位初太尉獻將畢引光祿卿攝事同以光詣壘洗  
 爵升酌盞齊終獻如亞獻升壇謁者二人分引獻官詣  
 壘洗盥手洗爵酌酒一獻帝伊耆氏一獻神農氏跪奠  
 爵神座前俛伏興向神立太祝持版進於神座之右跪  
 讀祝文訖興獻官再拜訖謁者引降還本位初伊耆氏  
 獻官將升謁者五人各引獻官詣分獻壘洗盥手洗爵  
 詣酒罇所酌酒一獻歲星一獻熒惑一獻鎮星一獻太  
 白一獻辰星各奠於神座少退向神立於獻官奠訖七  
 星皆祝史助奠相次俱畢太祝各持版進於神座之右



跪讀祝文訖興凡讀祝文每一番獻酒從東方祝文為始讀祝訖次南方次西方餘神亦同也  
 獻官再拜訖太祝各進奠版於神座前還罇所謁者遂  
 引五方等獻官詣罇洗盥手洗爵各詣酒罇所酌酒一  
 獻東岳一獻南岳一獻中岳一獻西岳一獻北岳俱奠  
 於神座少退向神立岳鎮海瀆山林川澤邱陵墳衍原  
 隰井泉皆祝史助奠相次俱畢太祝持版進神座之右  
 跪讀祝文訖興獻官再拜訖太祝奠版於神座還罇所  
 謁者各引獻官還本位初酌岳鎮酒贊引五人各引獻  
 官詣罇洗盥洗詣酒罇所酌酒一獻勾芒氏一獻祝融  
 氏一獻后土氏一獻蓐收氏一獻元冥氏后稷田畯等

各祝史助奠訖祝史持版進神座之右跪讀祝文訖興  
餘與東方同 獻拜祝史奠版於神座贊引遂引五官獻  
唯無后稷 官等詣罇洗酒罇所酌酒分獻五靈其鱗羽羸毛介猫  
 於菟坊水墉昆蟲等皆齋郎助奠相次俱畢祝史持版  
 跪讀祝文訖興拜訖奠版各引還本位武舞六成樂止  
 舞獻俱畢上下諸祝各進徹豆還罇所徹者籩豆各奉  
 禮曰賜胙贊者唱衆官再拜衆官在位皆再拜已飲福  
不元受胙者和之樂作太常卿前奏稱請再拜退位皇帝再拜  
 奉禮曰衆官再拜在位者皆再拜樂一成止太常卿前  
 奏請就望燎位攝事謁者引太太常卿引皇帝樂作皇

乾隆十二年校刊

禮七十

一六

帝就望燎位南向立樂止於羣官將拜上下諸祝各執  
篚進神座前跪取玉帛祝版齋郎以俎載牲體稷黍飯  
爵酒各由其陛降壇南行經懸內當柴壇東行自南陛  
登柴壇以玉幣饌物祝版置於柴上戶內諸祝以星辰  
七宿已上之禮幣皆從燎神農伊耆氏岳鎮已下之祝  
俱詣瘞埴以玉幣饌物置於埴訖奉禮曰可燎東西面  
各六人炬燎初唱可燎埴東西廂各四人置土火半柴  
太常卿前奏禮畢攝事謁者  
白禮畢太常卿引皇帝還大次樂  
作皇帝出中壝門殿中監前受鎮珪以授尚衣奉御殿  
中監又前受大珪華蓋侍衛如常儀皇帝入次樂止謁

者贊引祀官通事舍人分引從祀羣官諸國客使以次  
出贊引引御史已下俱復執事位立定奉禮曰再拜御  
史以下皆再拜贊引引出工人二舞以次出其神農以  
下祝版燔於齋所

伊耆氏祝文曰維某年歲次月朔日子嗣開元神武皇  
帝諱謹遣具位臣姓名敢昭告於帝伊耆氏惟帝體仁  
尚義崇本念功爰創嘉祀息農饗物今九土攸宜百穀  
豐稔備茲八禘大旅四方謹以制幣犧齊粢盛庶品明  
薦於帝尚饗

神農氏祝文曰維某年歲次月朔日子嗣開元神武皇

帝諱謹遣具位臣姓名敢昭告於帝神農氏惟帝肇興  
播植粒此黎元今時和歲稔神功是賴謹以制幣犧齊  
粢盛庶品明薦於帝尚饗

東方歲星祝文曰維某年歲次月朔日子嗣天子諱謹  
遣具位臣姓名敢昭告於東方歲星七宿惟神列位垂  
象叶贊穹蒼昭晰羣生蕃阜庶類今時和歲稔恒禮是

率謹陳嘉薦庶神饗之

南方中央西方北方准此

東方岳鎮海瀆祝文曰維某年歲次月朔日子嗣天子  
諱謹遣具位臣姓名敢昭告於東方岳鎮海瀆惟神宣  
導坤儀興降雲雨亨毒庶品實賴滋液年穀順成用通

大禮謹薦嘉祀溥及一方山林川澤邱陵墳衍原隰井

泉庶神咸饗

南方西方北方准此

勾芒氏祝文曰維某年歲次月朔日子嗣開元神武皇  
帝諱謹遣具位臣姓名敢昭告於勾芒氏惟神贊陽出  
滯發生品物萌者畢達仁德以宣用陳明薦神其臨饗  
后稷氏祝文曰維某年歲次月朔日子嗣開元神武皇  
帝諱謹遣具位臣姓名敢昭告於后稷氏惟神誕降嘉  
種播茲百穀蒸庶以粒又此萬邦爰及田畷實勸農穡  
謹薦明祀庶神饗之

祝融氏祝文曰維某年歲次月朔日子嗣開元神武皇

帝諱謹遣具位臣姓名敢昭告於祝融氏惟神典司火  
正淳曜昭明式贊南訛厥功以致豐年之薦庶神臨饗  
后土氏祝文曰維某年歲次月朔日子嗣開元神武皇  
帝諱謹遣具位臣姓名敢昭告於后土氏惟神式贊黃  
道典司土正居中執信是興稼穡年穀既登庶饗嘉薦  
蓐收氏祝文曰維某年歲次月朔日子嗣開元神武皇  
帝諱謹遣具位臣姓名敢昭告於蓐收氏惟神典司金  
正式贊西成執矩懷莊尚義趨力豐年之報饗茲嘉祀  
元冥氏祝文曰維某年歲次月朔日子嗣開元神武皇  
帝諱謹遣具位臣姓名敢昭告於元冥氏惟神典司水

正贊序幽都厥務安寧積藏斯在豐年之祀庶饗明薦  
蒼龍祝文曰維某年歲次月朔日子嗣天子諱謹遣具  
位臣姓名敢昭告於蒼龍之神惟神體備幽明質兼小  
大實爲鱗長贊明造物歲稔年登寔資弭患式陳嘉薦  
百靈是屬爰泉東方鱗羽羸毛介衆族猫於菟坊水壩  
昆蟲諸神咸饗其朱鳥騶虞元武祝文首尾  
並與此同麟祝文發首亦同  
朱鳥之神惟神肇自火精冠茲羽族輔時宣化效祥蹈  
禮年和歲稔有賴厥功

麟之神惟神體信爲質惟和是歸作長毛宗表靈玉牒  
年穀豐稔寔資宣助式陳嘉薦庶神臨饗

騶虞之神惟神性履至仁稟靈金宿贊育生類實參利物爰茲報功用率恒祀

元武之神惟神誕稟辰精長茲介族先知稱貴誠行攸底伊此豐年有憑宜慶

鑾駕還宮

如圓丘之儀

通典卷第一百一十

通典卷第一百十一

唐 京 兆 杜 佑 君 卿 纂

禮七十一 開元禮纂類六 吉三

皇帝春分朝日於東郊

秋分夕月及攝事附

齋戒

前祀五日皇帝散齋三日致齋二日如圓丘儀諸應祀之官齋戒如別儀

陳設

前祀二日尚舍直長施大次於外壝東門之內道北南向攝事衛尉設祀官公卿次於東壝之外道南北向西上尚舍奉御鋪御座衛尉

乾隆十二年校刊

通典卷一百一十一 禮七十一

設陳饌幔於內壝東門之外道南北向設文武侍臣次

又設祀官及從祀羣官諸州使人蕃客等次攝事無御座及文武

侍臣至蕃客等次太樂令設宮懸之樂於壇南內壝之內設歌

鐘歌磬於壇上如圓丘之儀右校掃除壇之內外郊社

令積柴於燎壇其壇於神壇之外方八尺高一丈開上南

出戶方三尺前祀一日奉禮設御位及望燎位祀官從

祀羣官諸州使人蕃客等位於內壝之內皆如圓丘之

儀攝則設祀官公卿位於內壝內道北執事位於道南餘同圓丘設酒罇之位太罇二

著罇二壘一在壇上於南隅北向罇皆置於坵加勺設罇設爵於罇下

御洗於壇南陞東南亞獻之洗又於東南俱北向壘水

在洗東篋在洗西南肆

篋實以巾爵

執罇壘篋者各立於

罇壘篋之後設玉幣之篋於壇上罇坵之所晡後謁

者引光祿卿詣厨視濯漑又謁者引諸祀官詣厨省饌

具訖俱還齋所祀日未明十刻太官令帥宰人以鸞刀

割牲祝史以豆取毛血置於饌所遂烹牲大明青牲一

木明五刻太史令郊社令升設大明夕月云夜神座於

壇上北方南向席以藁秸設神位於座首

鑾駕出宮如圓丘之儀

奠玉帛

祀日未明三刻諸祀官各服其服郊社令良醞令各帥

其屬入實罇罍玉帛凡罇之次太罇為上實以醴齊著罇次之實以盎齊罍罇實以清酒其元酒各實於上罇罍罇無元酒禮神之玉以珪有邸其幣大明以青夜明以白太官令帥進饌者實諸籩豆簋簠入設於內壝東門之外饌幔內未明二刻奉禮帥贊者先入就位贊引引御史太祝及令史與執罇罍篚纂者入自東門當壇南重行北面以西為上凡引導者每曲一逡巡立定奉禮曰再拜贊者承傳凡奉禮者皆承傳御史以下皆再拜訖執罇者升自東陞立於罇所壇下執罇洗篚纂者各就位贊引引御史太祝詣壇東陞并行掃除於上令史祝史行掃除於下訖引降就位駕將至謁者贊引各引祀官及從祀羣官諸國蕃客使

先置者俱就門外位駕至大次門外迴輅南向將軍降立於輅右侍中進當鑾駕前跪奏稱侍中臣某官請降輅俛伏興還侍位皇帝降輅之大次通事舍人引文武五品以上從祀之官皆就門外位太樂令帥工人二舞次入就位文舞入陳於懸內武舞立於懸南道西謁者引司空入就位立定奉禮曰再拜司空再拜訖謁者引司空詣壇東陞并行掃除於上降行樂懸於下訖引出就位皇帝停大次半刻頃通事舍人分引從祀文武羣官介公鄴公諸國客使先入就位太常博士引太常卿立於大次門外當門北向侍中版奏外辦皇帝服元冕

出次華蓋侍衛如常儀侍中負寶博士引太常卿太常

卿引皇帝凡太常卿前導至南內墻門外殿中監進大

珪尚衣奉御又以鎮珪授殿中監殿中監受進皇帝摺

大珪執鎮珪華蓋仗衛停於門外近侍者從入如常謁

者引禮部尚書太常少卿陪從如常皇帝至版位西面

立每立定太常卿與謁者贊引各引祀官次入就位立

定太常卿前奏稱請再拜退復位皇帝再拜奉禮曰衆

官再拜在位者皆再拜太常卿前奏有司謹具請行事

攝則初司空入謁者贊引各引祀官以次入就位贊拜

訖謁者進太尉之左曰請行事獻皆以太尉為初獻下

此做退復位協律郎跪俛伏舉麾凡取物者皆跪俛伏而

取以興奠物則奠訖俛後興鼓祝奏元和之樂乃以圓鍾之均以文舞之舞樂

舞六成偃麾凡樂皆協律郎舉麾工鼓祝太

常卿前奏稱請再拜退復位攝則奉禮贊皇帝再拜奉

禮曰衆官再拜在位者皆再拜太祝取玉帛於篚立於

樽所太常卿引皇帝太和之樂作皇帝每行作皇帝詣

壇升自南陛侍中中書令以下及左右侍衛量人從升

以下皆皇帝升壇北向立樂止攝則謁者引太祝加玉

於幣以授侍中侍中奉玉帛東向進皇帝摺鎮珪受玉

帛每受物摺鎮珪奠登歌作肅和之樂乃以大呂之均

太常卿引皇帝進北面跪奠於大明夕月云神座俛伏



興太常卿引皇帝少退北面再拜訖登歌止太常卿引  
皇帝樂作皇帝降自南陛還版位西向立樂止攝則太  
尉初羣官拜訖祝史奉毛血之豆立於門外於登歌止  
祝史奉毛血入升自南陛太祝迎取於壇上進奠於神  
座前太祝與祝史退立於樽所

進熟

皇帝既升奠攝則太尉玉帛太官令出帥進饌者奉饌  
陳於內壝門外謁者引司徒出詣饌所司徒奉俎初皇  
帝既入至位樂止太官令引饌入俎初入門雍和之樂  
作以黃鐘之均饌至陛樂止祝史進徹毛血之豆降自

東陛以出饌升南陛太祝迎引於壇上設於神座前豆

蓋幕先徹乃升簋簠既奠却其蓋於下設訖謁者引司徒以下降自東陛

復位太祝還樽所太常卿引皇帝詣壘洗樂作其盥洗

圓太常卿引皇帝樂作皇帝詣壇升自南陛樂止謁者

引司徒升自東陛立於樽所齊郎奉俎從升立於司徒

之後太常卿引皇帝詣樽所執樽者舉羣侍中贊酌醴

齊訖壽和之樂作皇帝每酌獻及飲太常卿引皇帝少

退北向立樂止太祝持版進於神座之右東面跪讀祝

文曰維某年歲次月朔日子嗣天子臣某攝則云謹遣

敢昭告於大明惟神宣布太陽照臨下土動植咸賴幽



隱無遺時惟仲春敬遵常禮

夜明云昭著元象輝耀陰  
精理歷授時仰觀取則爰

茲仲秋用  
率常禮

謹以玉帛犧齊粢盛庶品祇祀於神尚饗訖

興皇帝再拜初讀祝文訖樂作太祝進奠版於神座還

樽所皇帝拜訖樂止太祝以爵酌上樽福酒授侍中侍

中受爵西向進皇帝再拜受爵跪祭酒啐酒奠爵俛伏

興太祝帥齋郎進俎太祝減神前胙肉加於俎太祝持

俎以授司徒司徒奉俎西向進皇帝受以授左右

攝則  
太尉

受以授 齋郎 謁者引司徒降復位皇帝跪取爵遂飲卒爵侍

中進受爵以授太祝太祝受爵復於坵皇帝俛伏興再

拜樂止太常卿引皇帝樂作皇帝降自南陛還版位西

向立樂止文舞出鼓祝作舒和之樂出訖曼啟樂止武

舞入鼓祝作舒和之樂立定曼啟樂止皇帝獻將畢謁

者引太尉詣壘洗盥手

攝則太尉獻將畢謁者引  
太常卿下為亞獻皆倣此洗匏

爵訖謁者引太尉自東陛升壇詣著樽所執樽者舉罍

太尉酌盞齊武舞作謁者引太尉進大明神座前北向

跪奠爵興謁者引太尉少退北向再拜太祝以爵酌壘

福酒進太尉之右西向立太尉再拜受爵跪祭酒遂飲

卒爵太祝進受爵復於坵太尉興再拜謁者引太尉降

復位初太尉獻將畢謁者引光祿卿

皇帝儀與攝事同  
以光祿卿為終獻

詣壘洗盥洗匏爵升酌盞齊終獻如亞獻之儀訖謁者

引光祿卿降復位武舞六成樂止舞獻俱畢太祝進徹

豆還樽所徹者籩豆各一少移於故處奉禮曰賜胙贊者唱衆官再

拜在位者皆再拜已飲福受胙者不拜太和之樂作太常卿前奏

稱請拜退復位皇帝再拜奉禮曰衆官再拜在位者皆

再拜樂一成止太常卿前奏請就望燎位太常卿引皇

帝樂作攝則謁者引太尉皇帝就望燎位南向立樂止於羣官

將拜太祝執篚進神座前跪取玉帛祝版齋郎以俎載

牲體黍稷飯爵酒與降自南陛南行經懸內當柴壇南

東行自南陛登柴壇以玉帛祝版饌物置於柴上戶內

訖奉禮曰可燎東西各四人以炬燎火半柴太常卿前

奏禮畢太常卿引皇帝還大次樂作皇帝出內壝門殿

中監前受鎮珪以授尙衣奉御殿中監又前受大珪華

蓋仗衛如常儀皇帝入次樂止謁者贊引引祝官及從

祀羣官諸國蕃客以次出贊引引御史以下俱復執事

位立定奉禮曰再拜御史以下俱再拜贊引引出工入

二舞以次出

鑾駕還宮 如圖丘之儀

立春後丑日祀風師

前祀三日諸應祀之官散齋二日致齋一日並如別儀

前祀一日晡後一刻諸衛令其屬各以其方器服守衛

乾隆十二年校刊

禮七十一

壝門俱清齋一宿衛尉設祀官次於東壝之外道南北  
 向以西為上設陳饌慢於內壝東門之外道南北向郊  
 社令積柴於燎壇其壇在神壇之左內壝之外方五尺高五尺開上  
 南出戶祀日未明三刻奉禮郎設祀官位於內壝東門  
 之內道北執事位於道南每等異位俱重行西向皆以  
 北為上設望燎位當柴壇之北南向設御史位於壇上  
 西南隅東向令史陪其後於壇下設奉禮位於祀官西  
 南贊者二人在南差退俱西向又設奉禮贊者位於燎  
 壇東北西向北上設祀官門外位於東壝之外道南每  
 等異位重行北向以西為上郊社令帥齋郎設酒罇於

壇上東南隅象罇二置於坵北向西上設幣篚於罇坵  
 之所設洗於壇南陞東南北向罇水在洗東篚在洗西  
 南肆篚實以中爵執罇罍篚纂者各位於罇罍篚纂之後太  
 官令帥宰人以鸞刀烹牲於厨祀日未明三刻太史令  
 郊社令升設風師神座於壇上近北南向席以莞設神  
 位於座首未明一刻諸祀官各服其服郊社令良醞令  
 各帥其屬入實罇罍及幣實以醞齊其元酒實於上罇太史令帥進  
 饌者實諸籩豆簋簠入設於內壝東門之外饌慢內奉  
 禮帥贊者先入就位贊引引御史太祝及令史與執罇  
 罍篚纂者入當壇南重行北面以西為上立定奉禮曰

乾隆十二年校刊

通鑑卷一百一 禮七十一

再拜贊者承傳

凡奉禮有詞贊者皆承傳

御史以下皆再拜執樽者

升自東陛立於樽所執罍洗篚罍者各就位贊引引御

史太祝詣壇東陛升行掃除於上令史行掃除於下訖

各引就位質明謁者引祀官贊引引執事者俱就門外

位謁者贊引各引祀官以次入就位立定奉禮曰衆官

再拜在位者皆再拜謁者進獻官之左白有司謹具請

行事退復位太官令出帥進饌陳於門外初太官令出

太祝跪取幣於篚興立於樽所謁者引獻官升自東陛

進當神座前北向立太祝以幣東向進獻官受幣進北

面跪奠於神座俛伏興少退北面再拜訖謁者引獻官

降復位太官令引饌入詣南陛升壇太祝迎引於壇上

設於神座前

邊豆蓋罍先徹乃升簋簋既奠却其蓋於下

設訖太官令以下

降復位太祝還樽所謁者引獻官詣罍洗盥手洗爵訖

謁者引獻官自南陛升壇詣樽所執樽者舉罍獻官酌

醴齊訖謁者引獻官進神座前北向跪奠爵俛伏興少

退北向立太祝持版進於神座之右東面跪讀祝文曰

維某年歲次月朔日子嗣天子謹遣具位臣姓名敢昭

告於風師含生開動必佇振發功施造物實彰祀典謹

以制幣犧齊粢盛庶品明薦於神尚饗訖興獻官再拜

太祝進跪奠版於神座興還樽所獻官拜訖謁者引獻

官立於南方北向太祝以爵酌福酒進獻官之右西向  
 立獻官再拜受爵跪祭酒遂飲卒爵太祝進受爵復於  
 坵獻官俛伏興太祝帥齋郎進俎太祝跪減神前胙肉  
 加俎興以俎西向進獻官受以授齋郎謁者引獻官降  
 復位太祝進跪徹籩豆還樽所徹者籩豆各一少移於故處奉禮曰  
 賜胙贊唱衆官再拜在位者皆再拜已飲福受胙者不拜謁者進  
 獻官之左白請就望燎位遂引獻官就望燎位南向立  
 太祝執篚跪取幣祝版齋郎以俎載牲體黍稷飯爵酒  
 興自南陞降壇南行當柴壇南東行自南陞登柴壇以  
 幣祝版饌物置柴上戶內訖奉禮曰可燎東西面各二

人以炬燎火半柴謁者進獻官之左白禮畢遂引獻官  
 出贊引引執事者以次出贊引引御史以下俱復執事  
 位立定奉禮曰再拜御史以下皆再拜贊引引出

立夏後申日祀雨師以下並同風師儀

有司行事祝文曰百昌萬寶式仰膏澤率遵典故用備

常祀其首尾與風師文同

立秋後辰日記靈星

有司行事祝文曰維九穀方成三時不害憑茲多祐介  
 其農穡

立冬後亥日記司中司命司人司祿於國城西北

有司行事每座象罇二於壇上東南隅北向皆有坫以  
西爲上設司中司命司人司祿神座於壇上近北南向  
以西爲上○初獻司中祝文曰時屬安寧億兆康乂用  
率常禮報茲祉福○次獻司命祝文曰賴茲正直黎庶  
康寧資此良辰用申常禮○次獻司人祝文曰星紀已  
周兆庶寧阜備茲蠲吉式薦馨香○次獻司祿祝文曰  
元英紀時歲事云異聿遵典故脩其常祀飲福及行事  
如風師之儀

通典卷第一百十一

通典卷第一百十一

唐 京 兆 杜 佑 君 卿 纂

禮七十二 開元禮纂類七 吉四

皇帝夏至日祭方丘后土同孟冬祭神州及攝事  
附

齋戒

前祭七日戒誓皇帝服衮冕前祭二日太尉告高祖神  
堯皇帝廟如常告之儀告以配  
神作主孟冬祭神州則告太宗  
又武聖皇帝廟餘並如圓丘之儀

陳設

前祭二日尚舍直長施大次於外壝東門之外道北南

乾隆十二年校刊

通典卷一百十一 禮七十二

向

攝事衛尉設祭官公卿以下  
次於東壝外道南北向西上

尚舍奉御鋪御座衛尉

設文武侍臣次於大次之後文官在左武官在右俱南

向設祭官次於東壝之外道南北向西上三師於南壝

之外道東諸王於三師之南俱西向北上文官九品以

上於祭官之東北向西上介公鄴公於南壝之外道西

東向諸州使人東方南方於諸王東南西向西方北方

於介公鄴公西南東向皆北上諸國之客東方南方於

諸州使人之南西向西方北方於諸州使人之南東向

皆北上武官三品以下七品以上於西壝之外道南北

向東上

其褒聖侯於文官三品之下  
攝事無御座以下至此儀

設陳饌幔於內壝

東門西門之外道少北南向

壇上及神州東方南方之  
饌陳於東門外西向西方

北方之饌陳於西門外  
東向神州無西門之饌

前祭二日太樂令設宮懸之樂

於壇南內壝之外樹靈鼓於北懸之內道之左右餘却

圓丘儀又為瘞埽於壇之壬地內壝之外方深取足容

物南出陛前祭一日奉禮設御位

攝事無  
御位

於壇之東南

西向設望瘞位於壇西南當瘞埽北向設祭官公卿位

於內壝東門之外道南分獻官於公卿之南執事者位

於其後每等異位俱重行西向北上設御史位於壇上

正位於東南隅西向副位於西南隅東向設奉禮位於

樂懸東北贊者二人在南差退俱西向北上設奉禮贊

乾隆十二年校刊

禮七十二



者位於瘞埒西南東向南上設協律郎位於壇上南陛  
之西東向設太樂令位於北懸之間當壇北向設從祭  
之官三師位於懸南道東諸王位於三師之東俱北向  
西上介公鄺公位於道西北向東上文官從一品以下  
九品以上位於執事之南每等異位重行西向武官三  
品以下九品以上位於西方當文官每等異位重行東  
向皆北上諸州使人位東方南方於諸王東南重行北  
面西上西方北方於介公鄺公西南重行北面東上設  
諸國客使位於內壝南門之外東方南方於諸州使人  
之東每國異位重行北面西上西方北方於諸州使人

之西每國異位重行北面東上

攝事無三師  
以下至此儀

設門外位

祭官公卿以下皆於東壝之外道南每等異位重行北  
面西上三師位於南壝之外道東諸王於三師之南俱  
西向介公鄺公於道西東向皆北上文官從一品以下  
九品以上位於東壝之外祭官之南每等異位重行北  
面西上武官三品以下九品以上位於西壝之外道南  
每等異位重行北面東上諸州使人位東方南方於諸  
王東南重行西面西方北方於介公鄺公西南重行東  
面俱北上設諸國客位東方南方於諸州使人之南每  
國異位重行西面西方北方於諸州使人之南每國異

位重行東面皆北上攝事無三師以下至此儀牲勝於東壇之外當門西向黃牲一居前又黃牲一在北少退元牲一在南少退設廩犧令位於牲西南祝史陪其後俱北向設諸太祝位於牲東各當牲後祝史陪其後俱西向設太常卿省牲位於牲前近北南向設皇地祇酒罇於壇之上下太罇二著罇二犧罇二壘一在壇上東南隅北向象罇二壺罇二山壘一在壇下皆於南陛之東北向俱西上設配帝著罇二犧罇二象罇二壘一在壇上皆於皇地祇酒罇之東北向西上孟冬北郊酒罇於神州酒罇之東如夏至之儀神州太罇二在第一等每方嶽鎮海瀆俱山罇二山林川澤

俱蜃罇二邱陵墳衍原隰俱概罇二凡罇各設於神座之左而右向神州以上之罇置於坵以下之罇俱藉以席皆加勺幕設爵於罇下孟冬儀壇上之罇置於坵壇下設御洗及設玉幣之篚等並如圓丘儀孟冬祭同祭日未明五刻太史令郊社令各服其服帥其屬升設皇地祇神座於壇上北方南向席以藁秸設高祖神堯皇帝神座孟冬神州則設太宗文武聖皇帝神座於東方西向席以堯設神州地祇神座於第一等東南方席以藁秸又設嶽鎮海瀆以下之座於內壇之內各於其方皆有原隰邱陵墳衍之座又設中嶽以下之座於壇之西南俱內向自神州以下六十八位席皆以堯設神位各於座首

乾隆十二年校刊

通鑑卷三 禮七十二

省牲器 如別儀

鑾駕出宮 服以袞冕餘如上辛圓丘儀孟冬北郊亦同圓丘

奠玉帛

祭日未明三刻諸祭官各服其服郊社令良醞令各帥其屬入實罇罍玉幣 凡六罇之次太罇為上實以泛齊為下實以三酒配帝著罇為上實以泛齊犧罇次之實以醴齊象罇次之實以盎齊以上孟冬同神州太罇實以泛齊五方岳鎮海瀆之山罇實以醴齊山林川澤之蜃罇實以沈齊邱陵以下之散罇實以清酒元酒名實於諸齊之上罇禮神之玉皇地祇以黃琮其幣以黃配帝之幣亦如之神州之玉以兩珪有邸其幣以黃配幣以元孟冬同嶽瀆以下之幣各從方色 太官令帥進饌者入實饌及禮官就位御史六祝行掃除等並如圓

丘儀 孟冬 駕將至謁者贊引各引祭官從祭官客使等

俱就門外位駕至大次門外迴輅南向將軍降立於輅

左侍中進當鑾駕前跪奏稱侍中臣某言請降輅俛伏

興還侍位五品以上從祭之官皆就壇外位 攝事無駕至大次下

儀 太樂令帥工人二舞次入就位文舞入陳於懸內武

舞立於懸南道西謁者引司空入行掃除訖出復位皇

帝停大次半刻頃謁者贊引各引祀官通事舍人分引

從祀羣官介公鄴公等方客使皆先入就位太常博士

引太常卿立於大次門外當門北向侍中版奏外辦皇

帝服袞冕 孟冬神州大裘而冕 出次華蓋侍衛如常儀 侍中負寶陪從如式

博士引太常卿太常卿引皇帝至中壝門外殿中監進  
大珪尚衣奉御又以鎮珪授殿中監皇帝搢大珪執鎮  
珪華蓋仗衛停於門外侍者從入謁者引禮部尚書太  
常少卿陪從如常儀皇帝至版位太常卿請再拜及請  
行事並如圓丘儀攝事如圓丘攝事儀協律郎舉麾工鼓祝奏順  
和之樂乃以林鍾為宮太簇為角姑洗為徵南呂為羽  
作文舞之舞樂舞八成林鍾太簇姑洗南呂皆再成偃麾曼啟樂止  
太常卿前奏稱請再拜退復位皇帝再拜奉禮曰眾官  
再拜在位者皆再拜皇帝奠玉幣及奏樂之節並如圓  
丘攝事則太尉奠玉帛下放此登歌作肅和之樂以應鍾之均太常

卿引皇帝進北向跪奠於皇地祇孟冬神州神座俛伏興及

奠配座並如圓丘儀攝事同圓丘攝事儀

進熟

皇帝既升奠玉幣太官令陳饌之儀如圓丘俎初入門  
奏雍和之樂以太簇之均自後接神之樂用太簇饌至陛樂止祝  
史俱進跪徹毛血之豆降自東陛以出皇地祇之饌升自南陛配帝之  
於神座前設訖謁者引司徒太官令帥進饌者降自東  
陛以出司徒復位諸太祝還罇所又進設嶽鎮以下之  
饌相次而畢太常卿引皇帝詣盥洗樂作其盥洗酌獻

跪奠奏樂之儀並如圓丘攝事如圓丘攝事儀太祝持版進於神

座之右東向跪讀祝文曰維某年歲次月朔日子嗣天

子臣某攝則云謹遣太尉臣名下放此致昭告於皇地祇乾道運行日

躔北至景風應序離氣效時嘉承至和肅若舊典敬以

玉帛犧齊粢盛庶品備茲祇瘞式表誠愨高祖神堯皇

帝配神作主尚饗太祝俛伏興孟冬神州云包函區夏載植羣生溥被域中賴

茲厚德式遵彛典用練元辰敬以玉帛犧齊粢盛庶品明獻厥誠備茲祇瘞皇祖太宗文武聖皇帝配神作主

皇帝再拜攝則太尉再拜初讀祝文訖樂作太祝進跪奠版於

神座興還罇所皇帝拜訖樂止太常卿引皇帝詣配帝

酒罇所執罇者舉幕侍中取爵於坩進皇帝受爵侍中

贊酌泛齊訖樂作太常卿引皇帝進高祖神堯皇帝神

座前東向跪奠爵俛伏興太常卿引皇帝少退東向立

樂止太祝持版進於神座之左北向跪讀祝文曰維某

年歲次月朔日孝曾孫開元神武皇帝臣某敢昭告於

高祖神堯皇帝時維夏至肅敬訓典用祇祭於皇地祇

惟高祖德叶二儀道兼三統禮膺光配敢率舊章孟冬

曾祖太宗文武聖皇帝德被乾坤格於上下昭配之儀欽率舊章謹以制幣犧齊粢盛

庶品肅陳明薦作主侑神尚饗太祝俛伏興皇帝再拜

初讀祝文訖樂作太祝奠版於神座還罇所樂止皇帝

飲福受胙及亞獻終獻盥洗酌獻飲福並如圓丘儀唯皇

乾隆十二年校刊

禮七十二

地祇太尉亞獻酌醴齊時武舞作合六律六同為異耳初太尉將升獻贊者一人引獻官詣壘洗盥洗匏爵訖升自己陛詣酒罇所執罇者舉罇酌泛齊進奠於神州座前引降還本位謁者五人次引獻官詣壘洗盥洗訖各詣酒罇所俱酌醴齊訖引獻官各進奠爵於諸方嶽鎮海瀆首座餘座皆祝史助奠相次而畢引還本位又贊引五人各引獻官詣壘洗盥洗詣酒罇所酌沈齊獻山林川澤如嶽鎮之儀訖又引獻官詣壘洗盥洗訖詣酒罇所俱酌清酒獻邱陵以下及齋郎助奠如上儀訖各引還本位武舞六成樂止舞獻俱畢諸祝徹豆及賜胙皇帝再拜奏樂並如圓丘儀

太常卿前奏請就望瘞位太常卿引皇帝樂作皇帝就望瘞位北向立樂止於羣官將拜上下諸祝各執篚進神座前取玉帛齋郎以俎載神州以上牲體稷黍飯爵酒各由其陛降壇北行當瘞埴西行諸太祝以玉幣饌物置於埴諸祝又以嶽鎮以下之禮幣及牲體皆從瘞奉禮曰可瘞埴東西面各六人置土半埴太常卿前奏禮畢引皇帝還大次樂作從祀羣官諸方客使御史以下出並如圓丘儀其祝版燔於齋所

鑿駕還宮 如圓丘儀

祭五嶽四鎮四海四瀆

乾隆十二年校刊

禮七十二

八

諸嶽鎮海瀆每年一祭各以五郊迎氣日祭之設祭州界已具

歷代祀山川篇前祭五日諸祭官各散齋三日致齋二日如別

儀前一日嶽令瀆令清掃內外又為瘞培於壇壬地方

深取足容物海瀆則培內為壇高丈四尺皆為陛贊禮者設初獻位於壇

東南亞獻終獻於初獻南少退俱西向北上設掌事者

位於終獻東南重行西面以北為上設贊唱等諸位於

終獻西南西向北上設獻官等望瘞位於瘞培之東北

西向祭海瀆無望瘞位設祭官以下門外位於南門之外道東

重行西向以北為上祭器之數罇六籩十豆十簋二簠

二俎二嶽瀆令帥其屬詣壇東陞升設罇於壇上東南

隅北向西上罇皆加勺鬯有坫以置爵設玉篚於罇坫之所設洗於

南陞東南北向罇水在洗東篚在洗西南肆篚實以執

罇罇洗篚者各位於罇罇篚之後祭日未明烹牲於厨

其牲各隨方色齋郎以夙興掌饌者實祭器牲體牛羊

豆先取血毛置於饌所夙興掌饌者實祭器豕皆用右

胖前脚三節節一段肩臂膈皆載之後脚三節節一段

去下節載上股股二節又取正脊脰脊橫脊短脅正脅

代脅各二骨以並餘皆不設篋實稷黍簋實稻梁籩十

實以鹽乾魚棗栗榛菱芡鹿脯白餅黑餅豆十實以韭

菹醢醢菁菹鹿醢芹菹兔醢笋菹魚醢凡祭官各服其

服三品毳冕四品繡冕五品元冕六品嶽令瀆令帥其

屬入詣壇東陞升設嶽神瀆神座於壇上近北面南向

席以莞又實罇罇及玉凡罇一實醴齊一實盎齊一實

之玉兩珪有邸祝版置於坫坫令瀆令又以幣置於篚齋郎以  
 豆血皆設於饌所其幣長丈八尺各隨方色贊唱者先入就位祝與  
 執罇罇者入當壇南重行北面以西為上立定贊唱  
 者曰再拜祝以下俱再拜執罇者升自東陞立於罇所  
 執罇罇者各就位祝詣壇東陞升行掃除於上降行掃  
 除於下訖瀆則掃除各就位質明贊禮者引祭官以下  
 俱就門外位立定一刻頃贊唱者曰再拜在位者皆再  
 拜贊禮者進初獻之左白有司謹具請行事退復位贊  
 唱者曰再拜在位者皆再拜祝跪取玉幣於篚興立於  
 罇所凡取物者皆跪俛伏而取以掌饌者帥齋郎奉饌

陳於東門之外贊禮者引初獻詣壇升自南陞進神座  
 前北向立祝以玉幣東向進初獻受玉幣還罇所贊禮  
 者引初獻進北向跪奠於神座興少退北向再拜贊禮  
 者引初獻降還本位掌饌者引饌入升自南陞祝迎引  
 於壇上設於神座前掌饌者帥齋郎降自東陞復位祝  
 還罇所贊禮者引初獻詣罇洗盥手洗爵升自南陞詣  
 酒罇所執罇者舉罇初獻酌醴齊贊禮者引初獻進詣  
 神座前北向跪奠爵興少退北向立祝持版進於神座  
 之右東面跪讀祝文曰維某年歲次月朔日子嗣天子  
 某謹遣某官某敢昭告於東嶽岱宗維神贊養萬品作



鎮一方式因春始南嶽云夏始中嶽云季夏始謹以至帛  
西嶽云秋始北嶽云冬始犧齊粢盛庶品朝薦於東嶽岱宗尚饗○東瀆大淮惟  
神源流深泌潛潤溥洽阜成百穀疏滌三川青春伊始  
用遵典秩○南瀆大江云惟神總合大川朝宗巨海功  
昭潤化德表靈長敬用夏首脩其常典○西瀆大河云  
惟神上通雲漢光啓圖書分導九枝旁潤千里素秋戒  
序用率常典○北瀆大濟云惟神泉源清潔浸彼遐遠  
播通四氣作紀一方元冬肇節聿脩典制訖興初獻再  
拜祝進奠馔於神座還罇所祝以爵酌清酒進初獻之  
右西向立初獻再拜受爵跪祭酒啐酒奠爵祝齊郎

以俎進滅神座前胙肉前御第二節共置一俎上以授  
初獻初獻受以授齊郎初獻跪取爵遂飲卒爵祝進受  
爵復於坫初獻興再拜贊禮者引初獻降復位於初獻  
飲福酒贊禮者引亞獻詣罇洗盥手洗爵升自東陞詣  
罇所執罇者舉罇亞獻酌益齊贊禮者引亞獻詣神座  
前北面跪奠爵興少退北面再拜祝以爵酌清酒進於  
亞獻之右西向立亞獻再拜受爵跪祭酒遂飲卒爵祝  
受虛爵復於坫亞獻興再拜贊禮者引亞獻降復位初亞  
獻將畢贊禮者引終獻盥洗升獻飲福如亞獻之儀訖  
贊禮者引終獻降復位祝進神座前徹豆還罇所贊唱

者曰再拜非飲福受胙者皆再拜獻官以下皆再拜贊禮者進初獻之左白請就望瘞位贊唱者引初獻就望瘞位西向立於獻官將拜嶽令進神座跪取幣齋郎以俎載牲體黍稷飯詣瘞培以饌物置於培祭海瀆獻官齋郎以幣血沈於瀆瀆令退就位東西廂各二人寘土半培贊者進初獻之左白禮畢遂引初獻以下出祝與執罇壘篚纂者俱復執事位立定贊唱者曰再拜再拜訖遂出祝版燔於齋所

通典卷第一百一十二

通典卷第一百一十三

唐 京兆 杜佑 君卿 纂

禮七十三 開元禮纂類八 吉五

皇帝仲春仲秋上戊祭大社

齋戒 如前祭方丘儀

陳設

前祭三日尚舍直長施大次於社宮西門之外道北南向尚舍奉御鋪御座衛尉設文武侍臣次於大次之後文官在左武官在右俱南向設諸祭官次於齋坊之內攝事無設大次儀但守臣設祭官次三師於北門之外諸王於三師之北

乾隆十二年校刊

通典卷七十三

俱東向南上文官從一品以下九品以上於齋坊南門之外重行東向北上介公鄴公於北門之外道東西向以南爲上諸州使人東方南方於諸王西北東面西方北方於介公鄴公東北西面俱南上武官三品以下九品以上於東門之外道北南向以西爲上諸國之客於東門之外東方南方於武官東北南向西方北方於道南北向俱以西爲上攝事無三師以下至此儀前祭二日太樂令設宮懸之樂於壇北東方西方磬簾起南鐘簾次之南方北方磬簾起東鐘簾次之設十二罇鍾於編懸之間各依辰位樹靈鼓於南懸之內道之左右植建鼓於四隅

置祝敬於懸內

祝在左敬在右

設歌鐘歌磬各於壇上近北南

向皆磬簾在西其匏竹者各立於壇下南向相對爲首

凡懸皆展而編之

諸工人各位於懸後東方西方以南爲上南方北方以東爲上右校清掃內外又爲瘞埴二於南門

之內於稷壇西南

攝事無埋坎二於樂懸之北

方深取足容物北出

陛前祭一日奉禮設位北門之內當社稷壇北南向

將祭

奉禮郎一人守之在位

阪東北立五步所南向

又設望瘞位西門之內當瘞埴

南向

攝事無御位以下至此儀

設祭官公卿位於西門之內道北執

事位於其後少北每等異位俱重行東面以南爲上設御史位於壇上正位於大社壇東北隅西向副位於大

稷壇西北隅東向

攝事令史陪後

設奉禮位於樂懸西北贊者

二人在北差退俱東面南上又設奉禮贊者位於瘞埽

西北東向北上

攝事無奉禮位

設協律郎位各於壇之上東北

隅俱西向設太樂令位於南懸之門南向設祭官位三師位於北門之內道西俱南面東上設介公鄘公位於道東南面西上文官從一品以下九品以上位於執事北每等異位俱重行東向武官三品以下九品以上位於東方值文官每等異位重行西向皆以南爲上諸州使人位東方南方於北門之內道西於諸王西北重行南向以東爲上西方北方於道東於介公鄘公東北

行南向以西爲上諸蕃客位於北門之內東方南方於諸州使人之西每國異位重行南面以東爲上西方北方於諸州使人之東每國異位俱重行南面以西爲上設門外位祭官公卿以下皆於西門之外道南每等異位重行北向以東爲上三師位於北門之外道西諸王於三師之北俱東向介公鄘公位於道東西向皆以南爲上文官從一品以下九品以上位西門之外祭官之南每等異位重行北面以東爲上武官三品以下九品以上位於東門之外道北每等異位重行南面以西爲上諸州使人位東方南方於諸王西北重行東面西方

北方於介公鄩公東北西面俱南上設諸國客位東方  
南方於武官東北每國二位重行南向西方北方於道  
南每國異位重行北向皆以西爲上攝事無三師北門  
內位至此儀但設  
祭官門外之位設酒罇之位太社太罇二著罇二壘二壇上西  
北隅南向設后土氏象罇二著罇二壘二於太社酒罇  
之西俱南向東上各置於坫皆加勺爵皆置  
於罇下設太稷  
后稷酒罇於其壇上如太社后土之儀設御洗各於太  
社太稷壇之西北南向亞獻之洗又各於西北南向俱  
罇水在洗西篚在洗東北肆篚實以  
中爵執罇壘篚幕者位  
於罇壘篚幕之後各設玉幣之篚於壇上罇坫之所罇

後謁者引光祿卿詣厨省饌具訖還齋所祭日未明十  
刻太官令帥宰人以鸞刀割牲祝史以豆取毛血攝事  
齋郎  
取毛置於饌所遂烹牲皆  
用黧未明五刻太史令郊社令  
各服其服升設太社太稷神座各於壇上近南北向設  
后土氏神座於太社神座之右后稷氏神座於太稷神  
座之左俱東向席以莞設神座各於席首

鑾駕出宮

奠玉帛

祭日未明三刻諸祭官各服其服郊社令良醞令各帥

其屬入實罇壘玉幣

太罇爲上實以醴齊著罇次之實  
以黍稷爲下實以清酒配座之

乾隆十二年校刊

皇清三十二年

樽亦如之齊加明水酒元各實於上樽禮神之王太社太稷俱以兩珪有珪幣色皆以元太官令

帥進饌者實諸籩豆簠簋皆設於神厨未明二刻奉禮

帥贊者先入就位贊引引御史詣太祝及令史祝史與

執樽罍篚冪者入自西門當太社壇北重行南面以東

為上凡引導者每曲一逡巡立定奉禮曰再拜贊者承傳凡奉禮有詞贊

者皆承傳御史以下皆再拜訖執樽者各升自西陛立於樽

所執罍洗篚冪者各就位贊引引御史詣太祝詣太社

壇西陛升行掃除於上令史祝史行掃除於下降又詣

太稷壇行掃除如太社之儀訖各引就位駕將至謁者

贊引各引祭官通事舍人分引從祭羣官客使先置者

俱就門外位駕至大次門外迴輅南向將軍降立於輅

右侍中進當鑾駕前跪奏稱侍中臣某言請降輅俛伏

興還侍位皇帝降輅之大次謁者引文武五品以上從

祭羣官皆就門外位攝事謁者贊引引祭官各就位無駕將至此儀太樂令

帥工人二舞次入就位文舞入陳於懸內武舞立於懸

北道東謁者引司空入就位立定奉禮曰再拜司空再

拜訖謁者引司空詣壇西陛升行掃除於上升稷壇亦

如之訖降行視樂懸訖引就門外位皇帝停大次半刻

頃謁者贊引各引祭官通事舍人分引從祭文武羣官

介公鄴公諸國客使先入就位太常博士引太常卿立

乾隆十二年校刊 禮七十三 五

於大次門外當門北向侍中版奏外辦皇帝服繡冕出

次華蓋侍衛如常儀侍中負璽陪從如式博士引太常卿太常卿

引皇帝凡太常卿前導皆博士先引至社宮西門外殿中監進大珪

尚衣奉御又以鎮珪授殿中監受進皇帝搢大珪執鎮

珪華蓋侍衛停於門外近侍者從入如常儀謁者引禮

部尚書太常少卿陪從如常皇帝至版位南向立每立定太

常卿與博士退立於左謁者贊引各引祭官次入就位立定太常

卿前奏稱請再拜退復位皇帝再拜奉禮曰衆官再拜

在位者皆再拜其先拜者不拜太常卿前奏有司謹具

請行事退復位攝事謁者白太尉下放此協律郎跪俛伏舉麾凡取物者

跪俛伏而取以興奠物則跪奠訖俛伏而後興鼓祝奏順和之樂乃以函鍾為

均文舞八成偃麾戛敵樂止凡樂皆協律郎舉麾工鼓祝而後作偃麾戛敵而後

止太常卿前奏稱請再拜退復位皇帝再拜奉禮曰衆

官再拜在位者皆再拜諸太祝俱取玉幣於篚各立於

罇所太常卿引皇帝太和之樂作皇帝每行皆作太和之樂皇帝詣

太社壇升自北陛侍中中書令下及左右侍衛量人從

升以下皆如之皇帝升壇南向立樂止太祝加玉於幣以授

侍中侍中奉玉幣西向進皇帝搢鎮珪受玉帛凡授物皆搢鎮

珪奠訖執珪俛伏興登歌作肅和之樂乃以應鍾之均太常卿引

皇帝進南向跪奠於太社神座俛伏興太常卿引皇帝

少退南向再拜太常卿引皇帝立於東方西向太祝以幣授侍中侍中奉幣南向進皇帝受幣太常卿引皇帝進西向跪奠於后土氏神座俛伏興太常卿引皇帝少退西向再拜訖登歌止太常卿引皇帝降自北陛樂作太常卿引皇帝詣太稷壇升自北陛南向立樂止太祝加玉於幣以授侍中侍中奉玉帛西向進皇帝受玉帛登歌作太常卿引皇帝進南向跪奠於太稷神座俛伏興太常卿引皇帝少退南向再拜訖太常卿引皇帝立於東方西向又太祝以幣授侍中侍中奉幣南向進皇帝受幣太常卿引皇帝進奠於后稷氏神座俛伏興太

常卿引皇帝少退西向再拜訖登歌止太常卿引皇帝降自北陛樂作皇帝還版位南向立樂止初羣官拜訖祝史各奉毛血之豆立於門外登歌止祝史奉毛血入各由其陛升諸太祝迎取於壇上俱進奠於神座前諸太祝與祝史退立於罇所

進熟

皇帝既升奠玉帛太官令出帥進饌者奉饌陳於西門外謁者引司徒出詣饌所司徒奉太社之俎初皇帝既三位樂止太官令引饌入太社太稷之饌入自正門配座之饌入自左闈俎初入門雍和之樂作以太族之均



饌至陸樂止祝史各進徹毛血之豆降自西陛以出太  
社太稷之饌升自北陛配座之饌升自西陛諸太祝迎  
引於壇上各設於神座前籩豆蓋饗先徹乃升籩  
簠奠訖却其蓋於下設訖  
謁者引司徒以下降自西陛復位諸太祝還罇所太常  
卿引皇帝詣罇洗樂作其盥洗之儀並如圓丘太常卿  
引皇帝樂作皇帝詣太社壇升自北陛樂止謁者引司  
徒升自西陛立於罇所齊郎奉俎從升立於司徒之後  
太常卿引皇帝詣太社酒罇所執罇者舉罇侍中贊酌  
醴齊壽和之樂作皇帝每酌獻及飲  
福皆作壽和之樂太常卿引皇帝進  
大社神座前南面跪奠爵俛伏興太常卿引皇帝少退

南向立樂止太祝持版進於神座之右西面跪讀祝文  
曰維某年歲次月朔日子嗣天子某攝事云禮遣太  
尉尉名下同敢  
昭告於太社惟神德兼博厚道著方直載生品物含弘  
庶類謹因仲春仲秋祇率常禮敬以玉帛一瓦六武采毛  
剛鬣明粢薌合薌其嘉蔬嘉薦醴齊備茲禋遠用申報  
本以后土勾龍氏配神作主尚饗興皇帝再拜初讀祝  
文訖樂作太祝進奠版於神座前還罇所皇帝拜訖樂  
止太常卿引皇帝詣后土氏酒罇所執罇者舉罇侍中  
取爵於坵進皇帝受爵侍中贊酌醴齊樂作太常卿引  
皇帝進后土氏神座前西向跪奠爵俛伏興太常卿引

乾隆十二年校刊

禮七十三

皇帝少退西向立太祝持版進於神座之左南面跪讀  
祝文曰維某年歲次月朔日子開元神武皇帝某敢昭  
告於后土氏爰茲仲春仲秋揆日惟吉恭修常事薦於太  
社惟神功著水土平易九州昭配之義實惟通典謹以  
制幣一元六武柔毛剛鬣明粢薌合薌其嘉薦醴齊陳  
於表位作主侑神尚饗訖興皇帝再拜初讀祝文訖樂  
作太祝進奠版於神座還罇所皇帝拜訖樂止太常卿  
引皇帝進太社神座前南向立樂作太祝各以爵酌上  
罇福酒合置一爵一太祝持爵授侍中侍中受爵東向  
進皇帝拜受爵跪祭酒啐酒奠爵俛伏興太祝帥齋郎

進俎太祝減太社神座前三牲胙肉各置一俎上太祝  
以俎授司徒司徒持俎東向以次進皇帝每受以授左  
右皇帝跪取爵遂飲卒爵侍中進受爵以授太祝太祝  
受爵復於坵皇帝俛伏興再拜樂止太常卿引皇帝樂  
作皇帝降自北陛詣罍洗樂止謁者引司徒降壇西陛  
以從皇帝至罍洗盥手洗爵侍中黃門侍郎贊洗如常  
訖太常卿引皇帝樂作皇帝詣太稷壇升自北陛樂止  
謁者引三公三公與齋郎奉俎升自西陛立於罇所皇  
帝詣太稷酒罇所執罇者舉罇侍中贊酌醴齊樂作太  
常卿引皇帝進太稷神座前南向跪奠爵俛伏興太常

卿引皇帝少退南向立樂止太祝持版進於神座之右  
西向跪讀祝文曰維某年歲次月朔日子嗣天子某敢  
昭告於太稷惟神播生百穀首茲八政用而不匱功濟  
萌黎茲惟仲春仲秋恭以玉帛一元大武柔毛剛鬣明粢  
薌合薌其嘉薦醴齊式陳瘞祭備脩常禮以后稷棄配  
神作主尚饗訖皇帝再拜初讀祝文訖樂作太祝進奠  
版於神座還罇所皇帝拜訖樂止太常卿引皇帝詣后  
稷氏酒罇所執罇者舉罇侍中取爵於坩進皇帝受爵  
侍中贊酌醴齊樂作太常卿引皇帝詣后稷氏神座前  
西向跪奠爵俛伏興太常卿引皇帝少退西向立樂止

太祝持版進於神座之左南面跪讀祝文曰維某年歲  
次月朔日子開元神武皇帝某敢昭告於后稷氏爰以  
仲春仲秋式揀吉辰敬脩恒禮薦於太稷惟神功叶稼穡  
闡脩農政允茲從祀用率舊章謹以制幣一元大武柔  
毛剛鬣明粢薌合薌其嘉薦醴齊陳於表位作主配神  
尚饗訖興皇帝再拜初讀祝文訖樂作太祝進奠版於  
神座前還罇所皇帝拜訖樂止太常卿引皇帝進太稷  
神座前南向立樂作皇帝飲福受胙如太社之儀訖樂  
止太常卿引皇帝樂作皇帝降自北陛還版位南向立  
樂止謁者引司徒降自西陛復位文舞出鼓祝作舒和

之樂出訖憂敵樂止武舞入鼓祝作舒和之樂立定憂  
敵樂止皇帝獻后土氏將畢謁者引太尉攝事則引太  
常卿下同  
詣罍洗盥手洗爵訖謁者引太尉自西陞升壇詣太社  
酒罇所執罇者舉幕太尉酌盞齊武舞作謁者引太尉  
進太社神座前南向跪奠爵興謁者引太尉少退南向  
再拜謁者引太尉詣后土氏酒罇所取爵於坩執罇者  
舉幕太尉酌盞齊謁者引太尉進后土氏神座前南向  
跪奠爵興謁者引太尉少退西向再拜謁者引太尉進  
太社神座前南向立太祝各以爵酌罍福酒合置一爵  
一太祝持爵進太尉之右東向立太尉再拜受爵跪祭

酒遂飲卒爵太祝進受爵復於坩太尉興再拜謁者引  
太尉降自西陞詣罍洗爵詣太稷壇升獻如太社之儀  
訖引降復位初太尉獻后土將畢謁者引光祿卿攝事  
同與  
光祿卿  
為終獻詣罍洗盥手洗爵升酌盞齊終獻如亞獻之儀  
訖謁者引光祿卿降復位武舞六成樂止舞獻俱畢諸  
太祝各徹豆還罇所奉禮曰賜胙贊者唱衆官再拜在  
位者皆再拜已飲福受胙者不拜順和之樂作太常卿  
奏稱請再拜退復位皇帝再拜奉禮曰衆官再拜在位  
者皆再拜樂一成止太常卿前奏請就望瘞位太常卿  
引皇帝樂作皇帝就望瘞位南向立樂止羣官將拜諸

太祝各執篚進神座前取幣齋郎以俎載牲體稷黍飯  
爵酒各由其陛壇南行當瘞埴西行諸太祝以玉幣饌  
置於埴訖奉禮曰可瘞埴東西面各四人寘土半埴太  
常卿前奏禮畢太常卿引皇帝還大次樂作皇帝出門  
殿中監前受鎮珪以授尚衣奉御殿中監又前受大珪  
華蓋侍衛如常儀皇帝入次樂止謁者贊引引祭官通  
事舍人分引從祭羣官諸方客使以次出贊引引御史  
以下俱復執事位立定奉禮曰再拜御史以下皆再拜  
贊引引工人二舞以次出其祝版燔於齋所

鑾駕還宮

如方丘之儀

季冬禘太社

如上儀

太社祝文曰維神降祐百穀時登謹以玉帛犧齊粢盛  
庶品恭薦於太社以后土勾龍氏配神作主尚饗

后土氏祝文曰今時和年登恭薦禘祀於太社惟神功  
協水土作主配神謹以云云

太稷祝文曰惟神主茲百穀粒此黎元謹率常禮恭以  
玉帛云云

后稷祝文曰今時和年登敬薦禘祀於太稷惟神功協  
稼穡作主配神云云

通典卷第一百一十三

通典卷第一百一十四

唐 京兆杜佑君卿纂

禮七十四 開元禮纂類九 吉六

皇帝時享於太廟 凡一歲五享謂四孟月及臘宗廟三年一禘以孟夏及諸享攝事並附

齋戒

將享有司卜日如常儀皇帝散齋四日於別殿致齋三日於太極殿服通天冠絳紗袍結佩並如圓丘儀應享官齋具序例儀 禘禘儀同

陳設

乾隆十二年校刊

通典卷七十四

前享三日尚舍直長施大次於廟東門之外道北南向  
尚舍奉御鋪御座守宮設文武侍臣次於大次之後文  
官在左武官在右俱南向設諸享官次於齋坊之內攝  
右校清掃內外守宮設享九廟子孫於齋坊內近南西  
官公卿以下次於齋坊  
向北上文官九品以上於齋坊之南東方南方朝集使  
又於其南東方南方蕃客又於其南俱每等異位重行  
西向北上介公鄴公於廟西門之外近南武官九品以  
上於介公鄴公之南西方北方朝集使於武官之南西  
方北方蕃客又於其南俱每等異位重行東向北上其  
聖侯於文官三品之下諸州使人分方各於朝集前享  
使之後攝事無大次及九廟子孫以下至此儀

二日太樂令設宮懸之樂於廟庭如圓丘儀所異者樹

歌鐘歌磬於廟右校清掃內外前享一日奉禮設御位

於廟東陞東南西向攝設享官公卿位於東門

之內道南執事者位於其後每等異位俱重行西面以

北為上攝則公卿位於道設御史位於廟堂之下一位

於西南東向一位於東南西向令史各陪其後設奉禮

位於樂懸東北贊者二人在南差退俱西面設協律郎

位於廟堂之上前楹之間近西東向設太樂令位於北

懸之南北向設從享之官位九廟子孫於享官公卿之

南昭穆異位雖有貴文官九品以上位於子孫之南東

者以齒

方南方朝集使於文官之南東方南方蕃客又於其南  
俱每等異位重行西面北上介公鄴公位於西門之內  
道南武官九品以上於介公鄴公之南少西當文官西  
方北方朝集使於武官之南西方北方蕃客又於其南  
俱每等異位重行東面北上其褒聖侯於文官三品之  
下諸州使人分方各位於  
朝集使之後設門外位享官公卿以下皆於東門之外道南  
每等異位重行北面西上子孫之位於享官公卿之東  
少南文官九品以上於子孫之東東方南方朝集使於  
文官之東東方南方蕃客又於其東俱每等異位重行  
北面西上設介公鄴公位於西門之外道南武官九

以上於介公鄴公之西少南西方北方朝集使於武官

之西西方北方蕃客又於其西俱每等異位重行北面

東上其褒聖侯於文官三品之下諸州使人分方位  
於朝集使之後攝事無九廟子孫以下至此儀設

牲榜於東門之外當門西向以南爲上設廩犧令位於

牲西南祝史陪其後俱北向設諸太祝位於牲東各當

牲後祝史各陪其後俱西向設太常卿省牲位於牲前

近北又設御史位於太常卿之西俱南向設罇彝之位

於廟堂上前楹間各於室戶之左北向春夏每室雞彝

一鳥彝一犧罇二象罇二山罇二秋冬每室斝彝一黃

彝一著罇二壺罇二山罇二皆加勺羃凡宗廟羃  
皆以黼皆西



上各有站焉

禘享設罇彝於廟堂上下每座竿彝一黃彝一犧罇二象罇二著罇二山罇二在堂

上皆於神座之左獻祖太祖高祖高宗罇彝在前楹間

北向懿祖代祖太宗中宗睿宗罇彝在戶外南向其壺罇二太罇二山罇四在堂下階間北

向西上禘享則雞彝鳥彝餘同禘享設簋鉶籩豆之位

於廟堂之上俱東側塔之北每座四簋居前四籩次之

次以六甄次以六鉶籩豆為後每座異之

禘禘攝事簋數半皆以南為上屈陳而下設御洗於東陛東南亞獻

之洗又於東南俱北向罇水在洗東篚在洗西南肆篚

以珪瓚執罇罍篚彝者各位於罇罍篚彝之後

禘禘儀中罇明五刻太廟令服其服布昭穆之座於戶外自西序以

東皇八代祖獻祖宣皇帝皇六代祖太祖景皇帝皇高

祖高祖神堯皇帝皇祖高宗大皇帝座皆北廂南向

皇七代祖懿祖光皇帝皇五代祖代祖元皇帝皇曾祖

### 省牲器

省牲之日午後十刻廟所禁斷行人太廟令整拂神幄

祝史各取毛血每座共實一豆祝史又洗肝於鬱鬯又

取胾膋共實一豆俱置饌所餘並如圓丘儀

胾膋腸間脂禘禘祝史洗肝於鬱鬯

### 變駕出宮

前出宮三日本司宣攝內外各供其職守宮設從享官

五品以上次於承天門東西朝堂如常儀前二日太樂

乾隆十二年校刊

皇極經世一禮七十四

令設宮懸之樂於殿庭如常儀駕出懸而不作享日未明七刻

搥一鼓為一嚴三嚴時節前一侍中奏裁侍中奏開宮殿門及城

門餘並與圓丘儀同唯祭官稱享為異耳

晨裸

享日未明四刻諸享官各服其服太廟令良醢令各帥

其屬入實罇雞彝羊彝及犧罇象罇著罇壺罇之上罇皆實以明水山罇之上罇實以元酒

鳥彝黃彝實以鬱鬯犧罇著罇實以醴齊象罇壺罇實

以盎齊山罇實以清酒禘禘之罇羊彝及五齊上罇皆

實明水山罇上罇實以元酒黃彝實以鬱鬯犧罇實以

汎齊象罇實以醴齊著罇實以盎齊壺罇實以醴齊太

罇實以清酒太官令帥進饌者實諸籩豆簋簠未明

三刻奉禮帥贊引引御史博士太廟令史太祝宮闈令

及令史祝史與執罇篚纂者入自東門當階間重行

北面西上立定奉禮曰再拜贊者承傳凡奉禮有詞御

史以下皆再拜訖執罇篚纂者各就位贊引引御史

諸太祝詣東陛升堂行掃除於上令史祝史行掃除於

下訖引就位禘禘則太廟令帥其屬陳瑞物於廟庭太

寶器上次先後亦然俱藉未明二刻贊引引太廟令太

祝宮闈令詣東陛升堂詣獻祖室入開增室太祝宮闈

令奉出神主置於座禘禘則未明二刻陳腰輿於東陛

贊引引太廟令太祝宮闈令帥內外執事者以腰輿自

東陛升詣獻祖室入開增室太祝宮闈令奉出神主各

置於輿出詣座前奉神主置於座訖引太廟令以下次

訖以次奉出懋祖以下如獻祖儀訖引太廟令以下次

奉出懿祖次奉出太祖次奉出代祖次奉出高祖次奉  
出太宗次奉出高宗次奉出中宗次奉出睿宗神主置  
於座如獻祖之儀皇祖妣以下神主皆宮闈令奉出俱前而處右訖引太廟令  
以下降還本位攝事贊引各引享官俱就門外駕將至  
謁者贊引引享官通事舍人分引九廟子孫從享羣官  
諸方客使俱就門外位駕至大次門外迴輅南向將軍  
降立於輅右侍中進當鑾駕前跪奏稱侍中臣某言請  
降輅俛伏興還侍位皇帝降輅乘輿之大次繖扇華蓋  
侍衛如常儀太廟令以祝版奉御署訖近臣奉出太廟  
令受各奠於坵通事舍人引文武五品以上從享之官

皆就門外位太樂令帥工人二舞入就位文舞入陳於

懸內武舞立於懸南道西其升堂座者皆脫屣於下降納如常謁者引司

空入就位立定奉禮曰再拜司空再拜訖謁者引司空

詣東陞升堂行掃除於上降行樂懸於下訖引復位初

司空行樂懸通事舍人謁者贊引各引享官及九廟子

孫從享羣官諸方客使次入就位攝事無九廟子孫以下至皇帝再拜儀但

享官再拜耳皇帝停大次半刻頃太常博士引太常卿立於

大次門外當門北向侍中版奏外辦皇帝出次華蓋侍

衛如常儀侍中負寶陪從如式博士引太常卿太常卿引皇帝凡

常卿前導皆博士先引至廟門外殿中監進鎮珪皇帝執鎮珪華

乾隆十二年校刊 禮七十四 六

蓋仗衛停於門外近侍者從入如常皇帝至版位西向

立每立定太常卿與博士退立於左太常卿前奏稱請再拜退復位皇

帝再拜奉禮曰眾官再拜在位者皆再拜其先拜者不拜太常

卿前奏攝事謁者進太尉之左白請有司謹具請行事

退復位協律郎跪俛伏舉麾凡取物者皆跪俛伏而取以與奠物則跪奠訖俛伏

而後鼓祝奏永和之樂乃以黃鍾為宮大呂為角太蔟

為徵應鍾為羽作文德之舞樂舞九成黃鍾三奏大呂太蔟應鍾各再

奏偃麾戛敵樂止凡樂皆協律郎舉麾工鼓祝太常卿

前奏稱請再拜退復位皇帝再拜奉禮曰眾官再拜在

位者皆再拜太常卿引皇帝詣罍洗太和之樂作皇帝每行

皆加常樂 皇帝至罍洗樂止侍中跪取匱與沃水又侍中跪

取盤興承水皇帝搢鎮珪凡受物則搢珪奠訖執珪俛伏興皇帝

黃門侍郎跪取巾於篚興進皇帝悅手訖黃門侍郎受

巾跪奠於篚黃門侍郎又取瓚於篚興進皇帝受瓚侍

中酌罍水又侍中奉盤皇帝拭瓚訖侍中奠盤匱黃門

侍郎受巾奠於篚皆如常太常卿引皇帝樂作皇帝升

自阼階樂止侍中中書令以下及左右侍衛量人從升

以下皆如之攝事皆太尉升陞盥洗酌獻太常卿引皇帝詣獻祖罇彝所執

罇者舉罇侍中贊酌鬱鬯訖登歌作奏肅和之樂以圓

鍾之均自後登歌皆歌圍鍾太常卿引皇帝入詣獻祖神座前北

乾隆十二年校刊

禮七十四

七

向跪以鬯裸地奠之俛伏興太常卿引皇帝出戶

少退

攝事北向再拜訖太常卿引皇帝次裸懿祖次裸太祖

次裸代祖次裸高祖次裸太宗次裸高宗次裸中宗次

裸睿宗並如上儀訖登歌止太常卿引皇帝樂作皇帝

降自阼階還版位西向立樂止初羣官拜訖祝史各奉

毛血及肝膋之豆於東門外齋郎奉爐炭蕭稷黍各立

於肝膋之後於登歌止祝史奉毛血肝膋與奉爐炭蕭

稷黍者以次入自正門升自太階諸太祝各迎取毛血

肝膋於階上俱入奠於神座前祝史退立於罇所齋郎

奉爐炭皆置於室戶外之左其蕭稷黍各置於爐炭下

降自阼階以出諸太祝俱取肝出戶燔於爐炭還罇所

### 饋食

皇帝既升裸太官令出帥進饋者奉饌陳於東門之外

重行西向以南為上謁者引司徒出詣饌所司徒奉獻

祖之俎皇帝既至位樂止太官令引饌入自正門俎初

入門雍和之樂作以無射之均

階樂止祝史俱進徹毛血之豆降自阼階以出饌升諸

太祝迎引於陛上各設於神前

設訖謁者引司徒以下降自阼階復位諸太祝各取蕭

稷黍濡於脂燔於爐炭還罇所太常卿引皇帝詣罍洗

籩豆蓋羃先徹乃升簋

簋既奠却其蓋於下

堂下皆奏無射饌至太

樂作皇帝至盥洗樂止皇帝盥手洗爵侍中黃門侍郎  
贊洗如晨祿之儀訖太常卿引皇帝樂作皇帝升自阼  
階訖樂止太常卿引皇帝詣獻祖罇彝所執罇者舉罇  
侍郎贊酌醴齊訖光大之舞作太常卿引皇帝入詣獻  
祖神座前北向跪奠爵少東俛伏與太常卿又引皇帝  
出取爵於坫酌醴齊訖太常卿又引入詣神座前北面  
跪奠爵少西與太常卿引皇帝出戶北面立樂止樂終  
八節止諸太祝持版進於室戶外之右東面跪讀祝文  
曰維某年歲次月朔日子孝曾孫開元神武皇帝諱敢  
昭告於獻祖宣皇帝攝事云謹遣太尉祖妣宣莊皇后

張氏氣序流邁時惟孟春孟夏孟永懷罔極伏增遠感

謹以一元大武柔毛剛鬣明粢薌合薌箕嘉蔬嘉薦醴

齊恭修時享以申追慕尚饗讀訖興以下諸室祝文儀

度環周歲序云及永懷追慕伏增遠感謹以一元大武

柔毛剛鬣明粢薌合薌箕嘉蔬嘉薦汎齊肅雍明獻恭

備祿享餘字並同禘享祝云皇帝再拜訖又再拜初讀

祝文訖樂作太祝入奠版於神座出還罇所皇帝拜訖

樂止太常卿引皇帝詣懿祖罇彝所執罇者舉罇攝事

詣罇彝所取爵於坫執罇者侍中取爵於坫進皇帝受

爵侍中贊酌醴齊訖長發之舞作太常卿引皇帝入詣

懿祖神座前北向跪奠爵少東俛伏與太常卿又引皇

通鑑卷一百四  
九  
帝出取爵於坵酌醴齊訖太常卿引皇帝入詣神座前  
北面跪奠爵少西興太常卿引皇帝出戶北向立樂止  
太祝持版進於戶之右東向跪讀祝文曰維某年歲次  
月朔日子孝曾孫開元神武皇帝諱敢昭告於懿祖光  
皇帝祖妣光懿皇后賈氏讀祝文訖奠版於神座出還  
罇所皇帝拜訖樂止太常卿引皇帝詣太祖罇彝所如  
上儀大政之舞作祝文曰孝曾孫開元神武皇帝臣諱  
敢昭告於太祖景皇帝祖妣景烈皇后梁氏餘如上儀  
次代祖大成之舞作祝文曰孝曾孫開元神武皇帝諱  
敢昭告於代祖元皇帝祖妣元貞皇后獨孤氏獻訖太

常卿引皇帝詣罇彝所皇帝拜訖樂止太常卿引皇帝  
詣高祖罇彝所如上儀大明之舞作祝文曰孝曾孫開  
元神武皇帝臣諱敢昭告於皇高祖神堯皇帝祖妣太  
穆皇后竇氏訖次太常卿引皇帝詣太宗罇彝所如上  
儀崇德之舞作祝文曰孝曾孫開元神武皇帝臣諱敢  
昭告於皇曾祖太宗文武聖皇帝曾祖妣文德聖皇后  
長孫氏訖次太常卿引皇帝詣高宗罇彝所如上儀鈞  
天之舞作祝文曰孝孫開元神武皇帝臣諱敢昭告於  
皇祖考高宗天皇大帝皇祖妣太聖天后武氏訖次太  
常卿引皇帝詣中宗罇彝所如上儀酌醴齊文和之舞

作祝文曰孝姪開元神武皇帝臣諱敢昭告於皇伯考  
中宗孝和皇帝和思皇后趙氏訖次太常卿引皇帝詣  
睿宗罇彝所如上儀景雲之舞作祝文曰孝子開元神  
武皇帝臣諱敢昭告於皇考睿宗大聖真皇帝皇妣昭  
成皇后竇氏訖興皇帝再拜訖又再拜初讀祝文訖樂  
作太祝入奠版於神座出還罇所皇帝拜訖曲終樂止  
太常卿引皇帝詣東序西向立壽和之樂作皇帝獻將  
訖謁者引司徒詣東階升立於楹間北面東上皇帝獻  
訖諸太祝各以爵酌上罇福酒合置一爵一太祝持爵  
授侍中侍中受北向進皇帝再拜受爵跪祭酒啐酒奠

爵俛伏興諸太祝各帥齋郎持俎進太祝減神座前三

牲胙肉

各取前脚  
第二骨

加於俎又以籩豆取稷黍還罇所以

胙肉各置一俎上以飯共置一籩以飯授司徒司徒奉  
進皇帝受以授左右太祝又以胙肉授司徒司徒受俎  
以次進皇帝每受以授左右謁者引司徒降復位皇帝  
跪取爵遂飲卒爵侍中進受虛爵以授太祝太祝受爵  
復於坫皇帝俛伏興再拜樂止太常卿引皇帝樂作皇  
帝降自阼階還版位西向立樂止文舞出鼓祝作舒和  
之樂出訖戛敵樂止武舞入鼓祝作舒和之樂立定戛  
敵樂止初皇帝將復位謁者引太尉詣罍洗盥手洗爵



訖謁者引太尉升自阼階攝事則太尉將復位謁者引太常卿下放此詣獻祖罇彝所執罇者舉罇太尉酌盞齊武舞作謁者引太尉入詣獻祖神座前北向跪奠爵少東興謁者引太尉出戶北向再拜謁者又引太尉取爵於坵酌盞齊訖謁者引入詣神座前北向跪奠爵少西訖興謁者引太尉出戶北向再拜謁者引太尉次詣懿祖罇彝所取爵於坵執罇者舉罇太尉酌盞齊謁者引太尉入詣懿祖神座前北向跪奠爵少東興謁者引太尉出戶北向再拜謁者又引太尉取爵於坵酌盞齊訖謁者引入詣神座前北向跪奠爵少西訖興謁者引太尉出戶北向再拜

訖謁者引太尉次獻太祖次獻代祖次獻高祖次獻太宗次獻高宗次獻中宗次獻睿宗並如上儀訖謁者引太尉詣東序西向立諸太祝各以爵酌鬯福酒合置一爵一太祝持爵進太尉之左北向立太尉再拜受爵跪祭酒遂飲卒爵太祝進受虛爵復於坵太尉興再拜謁者引太尉降復位初太尉獻將畢謁者引光祿卿攝事詣鬯洗盥洗升酌盞齊終獻如亞獻之儀訖引光祿卿降復位武舞止登歌作雍和之樂諸太祝各入室徹豆還罇所徹者籩豆各一少移於故處登歌止奉禮曰賜胙贊者唱衆官再拜在位者皆再拜已飲福者不拜永和之樂作太常卿前

乾隆十二年校刊

禮七十四

十二

奏稱請再拜退復位皇帝再拜奉禮曰衆官再拜在位者皆再拜樂一成止太常卿前奏禮畢太常卿引皇帝還大次樂作皇帝出門樂止殿中監受鎮珪華蓋侍衛如常儀通事舍人謁者贊引各引享官及九廟子孫從享羣官諸方客使以次出贊引引御史太祝以下俱復執事位立定奉禮曰再拜御史以下皆再拜贊引引出工人二舞以次出太廟令與太祝官闈令納神主如常儀其祝版燔於齋坊

鑿駕還宮

如圓丘儀

祭七祀

各因時享祭之惟中霽季夏別祭祿禘之日徧祭之如臘享

司命戶以春龜以夏中霽以季夏王日門厲以秋行以冬

祭日未明一刻太廟令帥其屬入布神席於廟庭西門之內道南東向以北爲上席皆以莞設神位各於座首設酒罇於神座東南設洗於酒罇東南俱北向罇水在洗東篚在洗西南肆篚實以巾罇太廟令與良醢令屬入實罇罍如常其執罇罍篚者各位於罇罍篚之後初太祝以下入祝史與執罇罍篚者次入就位遂於堂上設饌訖太官丞引饌入祝史迎引於座首各設於神座前於光祿卿將升獻贊引引獻官詣罍盥洗詣酒罇所執罇

者舉罍獻官酌酒贊引引獻官進西面跪奠於司命神座少退西向立祝史持版進神座之右北向跪讀祝文曰維某年歲次月朔日子開元神武皇帝遣具位姓名昭告於司命三陽煦物四序惟始式遵常禮謹以犧齊粢盛庶品明薦於司命尚饗戶云時維歲首升陽贊滯竈云時維夏始盛陽作統門云時維孟秋升陰紀物厲云時屬實沈氣序清肅行云時維冬首盛陰作紀讀祝文訖興獻官再拜祝史進奠版於神座還罇所其七祀讀之一人獻官再拜訖贊引引獻官詣酒罇所酌獻並如上儀訖贊引引還本位於堂上徹豆祝史進徹豆還罇

所臘享祝文維某年歲次月朔日子孝曾孫開元神武皇帝某敢昭告於獻祖宣皇帝祖妣宣莊皇后張氏肅承靈佑錫茲介福時和年登率遵彝典謹以一元大武柔毛剛鬣明粢薌合薌箕嘉蔬嘉薦醴齊虔恭齋栗備茲清祀尚饗餘室祝文准此臘享祭七祀文維某年歲次月朔日子開元神武皇帝遣具位姓名昭告於司命戶竈中雷門厲行今時和年豐式遵常禮謹以犧齊粢盛庶品明薦於司命戶竈中雷門厲行尚饗獻官唯獻司命餘座齊郎助奠餘如上儀

祫禘以功臣配享

乾隆十二年校刊

禮七十四

享日未明一刻太廟令布功臣神座於太廟之庭吏部  
尚書贈司空鄖國公殷開山光祿卿淪國公劉政會開  
府儀同三司淮安靖王神通禮部尚書贈司空河間元  
王孝恭

右配享高祖廟庭太階之東少南西向以北爲

上 下並放此

司空贈太尉梁國文昭公房元齡特進贈司空鄭國文  
貞公魏徵洛州都督贈尚書左僕射蔣國忠公屈突通  
開府儀同三司贈司徒申國文獻公高士廉

右配享太宗廟庭少南西向以北爲上

司空太子太師贈太尉英國貞武公李勣中書令贈尚  
書右僕射高唐縣公馬周尚書左僕射兼太子少傅北  
平縣公張行成

右配享高宗廟庭少南西向以北爲上

侍中譙國公桓彥範侍中平陽郡公敬暉中書令錄吏  
部尚書漢陽郡公張柬之特進博陵郡公崔元暉中書  
令南陽郡公袁恕己

右配享中宗廟庭少南西向以北爲上

尚書左僕射太子少傅贈司空許國文貞公蘇瓌尚書  
左丞相太子少保徐國公劉幽求

右配享睿宗廟庭少南西向以北爲上

諸座各設版於座首

其版文各具題官爵姓名

每座各設壺罇二於

左北向元酒在西加勺罇置爵於罇下設洗於終獻罍洗東南北向太廟令與良醞令以齊實罇如常堂上設饌訖太官令帥進饌者出奉饌入祝迎引於座右各設於座前太官令以下出祝還罇所亞獻將畢贊引引獻官詣盥洗盥手洗爵詣酒罇所執罇者舉罇獻官酌酒諸助奠者皆酌酒訖贊引引獻官進詣首座前東面奠爵贊引引還本位於獻官進奠諸助奠者各進奠於座還罇所於堂上徹豆祝進首座前徹豆還罇所

